



Norgga Sámiid Riikkasearvvi njuolggadusat

Njuolggadusat Norgga Sámiid Riikkasearvi / Vuona Sámiij Rijkasiebrre / Nøørjen Saemiej Rijkasiebrre / Norske Samers Riksforbund (NSR). Njuolggadusat leat doaimmas NSR 42. riikkačoahkkimis, golggotmánu 26.-28 .beaivve 2012 rájes.

§ 1 Namma

Searvvi namma lea Norgga Sámiid Riikkasearvi / Vuona Sámiij Rijkasiebrre / Nøørjen Saemiej Rijkasiebrre / Norske Samers Riksforbund. Searvvi namma lea Norwegian Saami Association engelasgillii. Searvvi namma oaniduvvo buot gielain NSR.

§ 2 Ulbmil

- Norgga Sámiid Riikkasearvi áigu ovddidit dásseárvvu, oktiigullevašvuoda ja ráfálaš ovttaseallima olbmuid ja álbmotjoavkkuid gaskkas ja árvvu olbmo luonddu sorjjasvuhtii.
- Norgga Sámiid Riikkasearvi áigu duohtan dahkat sápmelaččaid iešstivrenguoigatvuoda ja váfistit sápmelaččaid boahhteáiggi oktan álbmogin iežaset guovllus.
- Norgga Sámiid Riikkasearvi áigu veahkehit ásahtit ja ollašuttit sápmelaš álbmotstivrejumi árijjalaš oassálastimiin sápmelaš stivrenguoigatvuoda demokráhtalaš válggain.
- Norgga Sámiid Riikkasearvi áigu váikkuhit ja ovddidit iešguđet lágan sámi kulturdoaimmaid ja fáldagaid guovddášdási, SOL ja báikkálaš servviid bokte.

§ 3 Giella

NSR váldogiella lea sámegiella. Sámegielain oaivvilduvvo davvi-, julev- ja lullisámegiella. NSR luohttámušolbmot ja čállingoddi galget eanemus lági mielde geavahit sámegiella sihke čálalaččat ja njálmálaččat. Báikkálaš servviin lea vuoigatvuoha oazžut vástádusa dan gillii mii geavahuvvo go váldet oktavuoda.

§ 4 Miellahttuvuohta

4.1 Miellahttuvuohta NSR:s lea báikkálaš servviid bokte. Ođđa báikkálaš searvvit dieđihit sisa čálalaččat ja ožžot buot vuoigatvuodaid go Riikkastivra dán mearrida. Sihke báikkálaš searvvit ja earjil olbmot fertejit dohkkehit NSR ulbmiliid ja njuolggadusaid. Njuolggá miellahttuvuohta sáhtá addojuvvot earjilolbmuide riikkastivrra sierranas árvvoštallama vuodul. Guovddáš dásis čállojuvvo miellahttoregisttar masa riegádanjahki čállojuvvo.

4.2 Miellahttuvuohta eaktuda máksojuvvon miellahttomávssu. Miellahttuvuohta guoská áigodahkii ođđajagimánu 1 beaivvis juovlamánu 31 beaivái seamma kaleandarjagis go miellahttodiva lea máksojuvvon.

4.3 Báikkálaš servviid njuolggadusat eai galgga rihkkut NSR ulmilparagráfa. Báikkálaš servviin galgá leat doaimma mii lea demokráhtalaččat huksejuvvon, ja sin njuolggadusat eai galgga rihkkut NSR njuolggadusaid.

4.4 NSR báikkálaš searvvit galget sáddet jahkeraporta ja dohkkehuvvon jahkedieđáhusa ja rehketoalu manjimus čađahuvvon dohkkehuvvon jahkečoahkkimis, mii lea dollojuvvon searvvi njuolggadusaid mielde, jahkásaččat ovdal cuoŋománu 1. beaivvi. Báikkálaš searvvit fertejit doallat jahkečoahkkima mas válljejit stivrra unnimusat juohke nuppi jagi. *[Redaksjonell kommentar (ikke del av*

vedtektene): Valg av styre minst hvert annet år er krav fra myndigheten for å motta støtte.]

4.5 Ánsomiellahttovuoda sáhtta addit. Ánsomiellahttu galgá maid jahkásaččat máksit miellahttomávssu.

§ 5 Miellahttomáksu

5.1 NSR Miellahttomáksu lea seamma stuorisin buot miellahttošlájá mielde. Riikkastivra mearrida makkár miellahttošlájá NSR:s galget leat, ja jahkásaš miellahttomávssu juohke miellahttošládji. NSR gáibida miellahttomávssu báikkálaš servviid ovddas.

5.2 Miellahttudiva man guovddášhálddahus gáibida báikkálaš servviid ovddas galgá mannat njuolga ruovttuluotta báikkálaš serviide. Miellahttomávssu ruovttoluotta addin galgá dáinna lágiin dahkkojuvvot unnimusat oktii juohke jahkebealis.

§ 6 Riikkačoahkkin

6.1 Riikkačoahkkin lea NSR bajimus orgána, ja lágividuvvo juohke nuppi jagi ovdal skábmamánu loahpa. Daid jagiid go ii leat riikkačoahkkin , lágida organisašuvdna luohhtevašolbmuidkonferánsa.

6.2 NSR báikkálaš searvvit sáddejit áirasiid riikkačoahkkimii dan mielde galle máksi miellahttu sis leat manjimus jahkemolsumis, jus riikkastivra dohkkeha searvvi raportta §4,4. Áirraslohku meroštallojuvvo ná:

- 25 registrerejuvvon miellahttologu rádjai addá 2 áirasa riikkačoahkkimii
- dasto addet juohke álggahuvvon 25 miellahttu vel 1 áirasa jnv.

6.3 Riikkastivrras, nuoraidlávdegottis, SOL:as, válgalávdegottis ja NSR sámediggejoavkkus geatnegahttojuvvojit searvat riikkačoahkkimii. Sis lea ságastallan- ja evttohanvuoigatvuohta, muhto ii jienastanvuoigatvuohta.

6.4 Riikkačoahkkin galgá unnimusat giedáhallat:

- Válljet 4 čoahkkinjođiheddjiid
- Válljet 4 beavdegirječálliid
- Válljet guoktása vuolláičállit riikkačoahkkima beavdegirjji
- Báikkálaš servviid boddu
- Riikkastivrra ja nuoraidlávdegotti doaibmadiedáhusa, ja rehketoalu ja rehketoallodárkkistanraportta
- SOL diedáhusat doaimmaid birra, dan oktavuodas maidái rehketoalu ja rehketoallodárkkistanraportta
- Riikkastivrra ja nuoraidlávdegotti doaibmaplánaid ja bušeahtaid
- SOL doaibmaplánaid ja bušeahtaid
- Riikkačoahkkincealkámušat
- Válljet jođiheaddji ja 2 nubbinjođiheddjiid
- Válljet 3 riikkastivraáirasa ja guokte vuoruhuvvon várrelahtu guhtiige
- Válljet 2 várrelahtuid juohke stivraáirasii
- Válljet jođiheaddji ja 4 miellahtuid ja 5 vuoruhuvvon várrelahtu nuoraidlávdegoddái
- Válljet jođiheaddji, 2 miellahtu ja 3 vuoruhuvvon várrelahtu SOL:ii
- Válljet jođiheaddji ja 2 miellahtu válgalávdegoddái

Riikkačoahkkin sáhtta ieš mearridit giedáhallat eará áššiid. Dása gáibiduvvo dábálaš eanetlohku.

6.5 Erenoamáš riikkačoahkkima sáhtta lágidit jus riikkastivra eambo go 2/3 eanetloguin, dahje unnimusat bealli báikkálaš searvvit stivramearrádusaid bokte 2/3 eanetloguin, dan gáibidit. Erenoamáš riikkačoahkkin giedáhallá dušše daid áššiid mat leat vuodđun erenoamáš

riikkačoahkkima gohččumis.

6.6 Riikkačoahkkima gohččun galgá sáddejuvvon manjmusat 60 beavvi ovdal čoahkkima. Áššelistu galgá leat gárvvis 30 beavvi ovdal riikkačoahkkima. Buot riikkačoahkkima áššebáhpirat galget leat gárvásat manjmusat 10 beavvi ovdal riikkačoahkkima.

§ 7 Riikkastivra

7.1 Riikkačoahkkimiid gaskkas, lea riikkastivra NSR bajimus orgána. Riikkastivrras leat jodiheaddji, organisatuvrralaš nubbinjodiheaddji, politihkalaš nubbinjodiheaddji ja 3 stivraáirasat, NSR nuoraidlávdegotti jodiheaddji ja NSR parlamentáralaš jodiheaddji (dahje sámediggejoavkku áirras gean parlamentáralaš jodiheaddji nammada), dasalassin okta dain NSRa miellahttuin Sámerádis. Daid áigodagaid go NSR:s lea presideanta Sámedikkis, galgá son leat riikkastivrras.

7.2 Riikkastivra galgá:

- jodihit NSR doaimma riikkačoahkkimiid gaskkas, doaibmaplána, riikkačoahkkima eará mearrádusaid ja bušeahta vuodul.
- ovddastit ja buktit cealkámušaid NSR ovddas.
- čađahit ovttasbarggu NSR joavkkuin Sámedikkis.
- dárbbu mielde olbmuid addit fápmudusa áimmahuššat NSR oamastemiid.
- lágidit dárbbalaš čállingotti doaimmaid, dákko bokte maiddá rehketdoalu ja revišuvnna lágideami.

7.3 Jodiheaddji gohčču riikkastivrračoahkkimii, ja jodihit čoahkkimiid. Galgá maiddá gohččojuvvot riikkastivrračoahkkimii jus unnimusat bealli stivraáirasiin dan gáibidit. Stivra lea mearridanválddalaš go unnimusat 5 stivraáirasat leat čoahkkimis. Jus jodiheaddji ii sáhte searvat, de juogo organisatuvrralaš dahje politihkalaš nubbinjodiheaddji jodiha čoahkkima.

7.4 Jodiheaddjái, organisatuvrralaš nubbinjodiheaddjái ja politihkalaš nubbinjodiheaddjái eai leat válljejuvvon várrelahtut. Jus sii eai sáhte searvat čoahkkimiidda de eará stivraáirasiid várrelahtut gohččojuvvojit čoahkkimii.

§ 8 Bargolávdegoddi

Riikkastivrračoahkkimiid gaskkas dahket jodiheaddji ja nubbinjodiheaddji guovttos bargolávdegotti mii galgá riikkastivrra ovddas jodihit searvvi riikkastivrračoahkkimiid gaskkas.

§ 9 Nuoraidlávdegoddi

9.1 NSR nuoraidlávdegottis (oaniduvvon NSR-N) lea jodiheaddji ja 4 miellahtu geaid riikkačoahkkin vállje. Nuoraidlávdegoddi lea mearridanválddalaš go unnimusat 3 miellahtuin leat čoahkkimis. NSR-N:s lea bastevas sadi NSR riikkastivrras.

9.2 Nuoraidlávdegotti bargu lea:

- jodihit NSR nuoraiddoaimma riikkačoahkkimiid gaskkas, bušeahta ja doaibmaplána vuodul.
- buktit cealkámušaid NSR ovddas nuoraidáššiin.
- rekruhttet ja doalahit oktavuoda NSR báikkálaš nuoraidservviiguin.
- čađahit doaimmaid gos oahpásmuvvá nuoraiguin ja nuoraidorganisašuvnnaiguin sihke riikka ja riikkaidgaskasaš dásis.

§ 10 Sámi Oahppolihttu

10.1 Sámi oahppolihttu / Sáme oahppolihtto / Saemien øøhpehtimmiesiebrie / Samisk studieforbund (oaniduvvon SOL) SOL lea sierra sámi oahppolihttu Ollesolbmooahpahušlága rámmaid siskkobealde.

10.2 SOL:s lea jodiheaddji ja 2 miellahtu geat válljejuvvojit NSR riikkačoahkkimis. Sáhtta dušše válljet NSR miellahtuid. SOL doaimma muddejuvvo NSR riikkačoahkkima mearriduvvon njuolggadusaid mielde.

§ 11 Sámediggejoavku

11.1 NSR sámediggejoavkkus leat NSR sámediggeáirasat.

11.2 Sámediggejoavkku parlamentáralaš jodihangottis lea jodiheaddji, nubbinjodiheaddji ja okta miellahttu. Sii galget jodihit joavkku doaimmaid. Sámediggejoavku vállje parlamentáralaš jodihangotti.

11.3 dárkilat njuolggadusaid sámediggejoavkku hámádaga ja doaimma birra, mearrida joavku ieš.

§ 12 NSR jodihangoddi

NSR jodihangottis lea NSR jodiheaddji, parlamentáralaš jodiheaddji, ja vejolaččat sámediggepresideanta. Sii čoahkkinnastet unnimusat oktii jagis. Jodihangoddi sáhtta earáid gohččut čoahkkimiidda dárbbu mielde. Buot fásta lahtu sáhttet gohččut čoahkkimii.

§ 13 Válgastivrrat

13.1 Riikkastivra doaibmá našunála válgastivran NSR:s sámediggeválggaid oktavuodas. Riikkastivrras lea ovddasvástádus plánet sámediggeválggaid riikkadásis, masa gullá hábmet našunála válgaprográmma ja bearráigeahččat ja doarjut válgabargguid biiredásis. Riikkastivra galgá bearráigeahččat ahte válgabiies lea dušše okta NSR-listu. Dárkilat njuolggadusaid riikkastivrra ovddasvástádusa birra leat gávdnamis NSR listobarggu njuolggadusain.

13.2 NSR válgastivrrain biiredásis lea ovddasvástádus plánet, organiseret ja čadahit biies válgabargguid Sámediggái. Válgastivrraid miellahtuid, geat galget leat NSR miellahtun, báikkálaš searvvit válljejit ovdal čakčamánu 1. beaivvi jagi ovdal válgajagi. Báikkálaš servviid mearrádusaid mielde, galget válgastivrras leat unnimus 3 miellahtu ja eanemusat 7 miellahtu. Juohke báikkálaš searvvis biies galgá leat unnimus 1 miellahttu. Ovttaskas báikkálaš searvvit sáhttet mearridit ahte eai hálit searvat válgastivrii. Dasto válljejuvvo vel okta miellahttu dan báikkálaš searvvis mas ledje eanemus miellahtut ovddit jagi, okta miellahttu das mas ledje nubbin eanemus jnv., gitta eanemusat 7 miellahttui. Biiriin gos lea dušše okta báikkálaš searvvi doaibmá báikkálaš searvi válgastivran. Válgastivrrat vuodđudit iežaset.

13.3 Válgastivrraid barggut sámediggeválggaide leat:

- fuolahit ahte NSR cegge listtu biies, juogo akto dahje ovttas earáiguin
- árvvoštallat, dahje mearridit listoovttasbarggu earáiguin, go dát lea ulbmilaš
- gohččut nominašunčoahkkimii ja leat nominašunlávdegoddi
- leat ovddasvástideaddji dasa ahte listtu deavdá formálalaš gáibádusaid ja nammadit listtu ovddasvástideaddji
- hálldašit válgagižžoruđaid ja deavdit sihkkaris rehketoalu

13.4 Válgastivrrat doibmet dassáži go ođđa lea válljejuvvon. Válgastivra galgá rapporteret válgabargguid birra báikkálaš servviide ja Riikkastivrii ovdal válgajagi loahpa, oktan rehketoaluin juhkojuvvon ruđaid geavaheami ovddas.

§ 14 Eará lávdegottit

Riikkačoahkkinn dahje riikkastivra sáhtta nammadit eará lávdegottiid. Mandáhta mearrida riikkačoahkkinn dahje riikkastivra.

§ 15 Ovttdássásaš ovdasteapmi

NSR stivrrain, rádiin ja lávdegottiin galgá bargat dan ala ahte lea ovttdássásaš ovdasteapmi sohkabeliid gaskkas. Dábálaččat galgá válljet dahje nammadit olbmuid nu ahte unnimus 40% goappáge sohkabealis lea ovddastuvvon buot NSR orgánain.

§ 16 Eará oasálastimat

NSR sáhtá oasálastit oasusfitnodagain ja vuodđudusain go dát lea ulbmillaš.

§ 17 Jienasteapmi

Jus njuolggadusain ii leat eará mearriduvvon, de čuovvovaš jienastannjuolggadusat adnojit vuodđun orgánain mat leat mearriduvvon njuolggadusaid bokte

- Mearrádusaid dahká dábálaš eanetloguin. Dábálaš eanetloguin oaivilduvvo; eanet go bealli addojuvvon jienain.
- Válggain galgá geavahit dievaslaš eanetlogu. Dievaslaš eanetloguin oaivilduvvo; eanet go bealli sis geat lea čoahkkimis ja geain lea jienastanvuogatvuohta.
- Jienasteamit dáhpáhuvvet jienastanmearka čájeheamiin. Jus válggain lea okta guhte dáhttu čálalaš jienasteami, de galgá dan čađahit.
- Jus leat eanet go guokte evttohasa luohttámušdoaimmaide ja ii oktage sis oaččo dievaslaš eanetlogu, de galgaba dat guovttis geat oaččuiga eanemus jienaid oasálastit odđa jienasteamis. Erenoamáš jienasteapmi galgá leat čálalaš ja mearriduvvot dábálaš eanetloguin. Jus ain leat seamma olu jienat de ferte geassit vuorbbi mearridan dihte válggaid.

§ 18 Beavdegirjijt

Galgá fievrriduvvot beavdegirji daid stivrrain ja lávdegottiin mat leat mearriduvvon njuolggadusaid bokte. Beavdegirjiid galgá bidjat Internehtii, ja almmuhit báikkálaš servviide, biirestivrraide, NSR sámediggeáirasiidda, nuoraidlávdegoddái ja SOL:i. Riikkastivra sáhtá čilgehusa vuodul spiehkastit almmuhanmearrádusas.

§ 19 Eretcealkin – lihccun

19.1 Sámediggeválggaid oktavuodas galget NSR luohttámušolbmot guodđit doaimmaideaset jus servet listtuide maid biire válgastivra dahje riikkastivra oaivildit adnet gilvaleaddjin. Dat orgána mii lea välljen dán olbmo, dahje dat orgána mas dát olmmoš lea miellahtun, galgá dán oktavuodas fuolahit luohttevašolbmo lihccuma.

19.2 Báikkálaš searvvit ja báikkálaš servviid eanjkilmiellahtut sáhttet cealkit eret miellahttuvuođa NSR:s. Eretcealkin galgá leat čálalaš ja lea doaimmas ovttá mánu maŋŋá go čálalaš eretcealkin lea joavdan. Eretcealkinmearrádus báikkálaš searvvis ferte giedahallojuvvot báikkálaš searvvi jahkečoahkkimis, ja gáibida unnimusat 2/3 eanetlogu.

19.3 Báikkálaš searvvit mat guokte jagi maŋŋálaga rihkkot § 4.4, sáhttet riikkastivra mearrádusa vuodul massi miellahttuvuođa. Báikkálaš searvvit mat barget NSR ulbmiliid, doaimma dahje njuolggadusaid vuostá, sáhttet massit miellahttuvuođa. Riikkačoahkin mearrida lihccuma 2/3 eanetloguin. Báikkálaš searvi masa ášši guoská, galgá beassat buktit cealkámuša riikkačoahkkimii ovdal go ášši mearriduvvo.

19.4 Eanjkilmiellahtut mat barget NSR ulbmiliid, doaimma dahje njuolggadusaid vuostá, sáhttet massit miellahttuvuođa. Lihccunevttohus meannuduvvo báikkálaš searvvi jahkečoahkkimis.

Lihccunmearrádus gáibida 2/3 eanetlogu. Riikkastivra loahpalaččat mearrida lihccuma 2/3 eanetloguin. Riikkastivra mearrádusa sáhtta guoddalit riikkačoahkkimii. Miellahttu geasa ášši guoská galgá beassat buktit cealkámuša ovdal go árvalus ovddiduvvo ja ášši mearriduvvo.

§ 20 Njuolggadusaid rievdadeapmi

NSR njuolggadusaid sáhtta dušše riikkačoahkkin 2/3 eanetloguin rievdadit. Njuolggadusaid rievadanevttohusa sáhtta riikkastivra dahje báikkálaš searvi ovddidit. Njuolggadusrievdanárvalus galgá sáddejuvvot NSR čállingoddái maŋimusat 45 beavvi ovdal riikkačoahkkima. Čállingoddi sádde rievadanárvalusa báikkálaš servviide unnimusat 30 beavvi ovdal riikkačoahkkima. Njuolggadusaid rievdadeapmi fápmuibohtá dakkaviđe maŋilgo riikkačoahkkima dan lea dohkkehan.

§ 21 Heaittiheapmi

Mearrádus ahte heaittihit NSR gáibida 3/4 eanetlogu 2 dábálaš riikkačoahkkimiin maŋjalagaid. Heaittiheami oktavuodas galgá NSR opmodagaid juohkit báikkálaš servviide miellahttuloгу vuodul maŋemuš jahkemolsumis. NSR arkiivva galgá vejolaš heaittiheame oktavuodas addojuvvot Sámi Arkiivii.